

國方志叢書·華中地方·第八七三號

據

清·楊長杰等修，黃聯珏等纂
清同治十年刊本

影印

江西省

貴溪縣志

(一)

成文出版社有限公司印行

貫鉛縣志

昔朱文公守南康下車之初
首問志書志之有關於政治者
不淺也余奉檄補貴陽入境問
俗適修志事竣都人士來謁
者不以余為不文也以序請余
維邑之有志凡山川封建風俗

人情悉於是乎載焉而人物爲
最重吾邑舊志叙於景泰時
識者謂未志人物與無志同
良以鍾毓之靈訓型之義一
代人才之盛百世文獻之徵也
憶髫齡就外傳讀史至父謝

兩公列傳竊嘆江右人才甲
於天下高山仰止景行
心嚮惟非一日矣戊辰成進士通
籍來江慰符夙願已已秋權篆
鄆鄔適有修志之令綢羅散軼
援舊志而增之考大營崗遺

其為信國屯兵之所款歛憑
弔慨乎正氣之猶存焉辛未
奉遷是邑為父節生長之邦
與吳武陵高五宜夏桂洲江
午坡徐子直諸公後先輝映
增光志乘史所稱天資之嚴厲

風岬之跡隋氏之人所敢希蹤
于萬一而每念公之以植世教
立民彝爲己任雖有志未逮然
亦未嘗不私洲及之所竊幸
者涖長適修志之始涖貴值
修志之成期僅年餘而日藉

纂修之役歷新嚮之忱豈非
天假之緣歟是志條分縷析
綱目釐然其詞簡而賅其體
嚴而正刪繁剔偽不濫不敷
皆彬彬博雅諸君子力也余
絕未與事其少愷贊一詞顧

引藉以闡人才之盛勉治化之
成則志之有闕于政治信不淺
也文公大儒猶兢以此爲亟
況下焉者乎不敢辭而不獲
辭謹述生平傾慕之私以誌
愧并以自勵夫移風易俗有

司之責也追先正之典型至士
民之模範廉頑立懦賢哲之
事也因自勵勉以勵都人士之
讀是志者

同治十年歲次辛未仲秋下浣
知邑事茗上沈鎔經序



原序

明王增祐

邑之有志一邑之事物皆載焉凡山川人物農桑學校縣治之建置地理之廣狹風俗土產之類可一覽得之誠爲政之不可缺者也昔朱文公守南康下車之初首詢志書文公大儒猶以此爲重況其下焉者乎貴溪舊有志書屢經兵燹殘闕不全近因朝廷命官下本府纂修郡志時本縣教諭張鐸預其事編集旣成進之內閣遺藁藏於邑庠天順改元古亭陳公敏來知縣事公廉正有爲不踰年而百廢畢舉暇日取縣志觀之欲重修成書會今掌教李珂司訓張昂不鄙予之老耄亦進而相與討論於是以新舊

二志互相讐校訛者正之缺者增之刪繁剔僞一邑之事
物必究其實而書之務求不失志體釐爲八卷三十五條
一邑之內山水清秀之最者忠孝節義之著者文學才行
之高者宦遊而有忠君愛民之績者方外而有超凡脫俗
之行者及古今名士詩文皆備載而無遺焉書成陳公欲
壽諸梓以永其傳屬余文弁其簡端嗟夫是舉也豈但侈
山川人物之盛資檢閱以娛心目已哉公之心欲後來之
生於斯宦於斯及遊適於斯者披閱志書必景先哲勉爲
忠孝勉爲節義勉爲循良勉爲進德講學各修其業以繼
承先哲之聲光於無窮也然則是書有補於治化不淺陳

公可謂知政矣予邑人也喜書成有益於後人故不辭而爲之序

原序

明錢邦偉

邑志從前無考景泰末學諭張公鐸始修之天順改元邑令陳公敏校而存焉是時草昧方屯人文甚賾嗣修郡志亦於邑事未詳也萬厯初前令伍公袁萃修將竣矣尋以內召行不果然而志可泯哉余思邑自唐宋以來幅員如此其大也開建如此其久也學校政事如此其繁且重也上下千百年間惟志是紀第撫今追昔不無於仕進人品之際有慨於中語曰不習爲吏視已成事余通考已事而

公餘因以博物此志書八款所由纂也嗟嗟杞宋無徵宣
尼寄慨春秋在魯鄰國是稱當吾身而知縣事可不知縣
事耶簿書旁午索居寡聞乃卽日申請上臺開局於象山
書院討論而修飾之時庠之紳衿暨邑之白叟羣而聚者
百餘人已下令於邑諸有聞者各得以聞聞復刻爲訪帖
以遍詢凡再厯寒暑而編成惟是人品一款成之最後而
未敢易出也僉曰志史也而非史史約而志詳史嚴而志
恕也考一統志爲我國朝大典至於人物山牧藪蓄雖不
肖者亦得錄其所長人固未可以全球矣余曰唯唯否否
夫不潔之西子書西子可也效顰之西子無可書也此真

僞之說也且夫繪皇王之服者山龍華蟲宗彝藻火皆得
錯雜以成文如取猿狙而衣以周公之服可語於人曰此
眞周公也哉故論人宜恕亦宜眞與其恕爾得僞無若嚴
而取眞且人之耳目誰不如我我不受欺而謂人其可欺
乎予願與一邑共爲三代之民其何敢以穢史塗人耳目
若夫眞是眞非人心固自有史所繫固不專在志也卽異
日其以覆瓿余何如

原序

明顧憲成

京口惺字錢侯爲貴溪之四年而政成嘗一日問左右有
志乎對曰未也喟然嘆曰知縣之謂何於是退而圖所爲

志凡八月而志成因屬其同年安封部乞予序而自掇志
之大都視予予闕之旣謂封部曰今日之志衆爲政異日
之志侯爲政不佞何能贊一辭封部曰何也予曰侯言之
矣當景泰時有張廣文鐸曾刱志草而獨缺人物與無志
同萬厯初容菴伍公開局纂修半已就緒會內召志不果
幸侯蒞任初慨然以修輯爲已任乃具請監司集諸生於
象山書院日稽月訂博取而納裁之凡爲綱者八爲目者
五十有九至於人品一則尤極慎重必戶問而家訪焉是
則萃一邑之耳以爲耳而不敢自用其聰也萃一邑之目
以爲目而不敢自用其明也故曰今日之志衆爲政抑聞

之有朱邑而後天下萬世靡不知有桐鄉也有魯恭而後天下萬世靡不知有中牟也何者邑以人重不能爲人重也憶昔丁丑戊寅間侯兩叔讀書涇上翩翩競爽頃年玉沂別駕時過東林於切磋之誼甚茂侯之家學居然可想及其爲令務在潔已而愛民諸惠政班班可述至於賦役一事尤極詳審所更定官敗官解之法上下便之當事者且以式於通省焉宜邑之父老子弟無不人人歌咏侯矣而今而往願益加勉焉以無替厥初將邑之父老子弟無不世世歌咏侯矣然則是邑也不遂與桐鄉中牟鼎耀千古乎哉故曰異日之志侯爲政封部曰善矣夫子之言志